

欽定四庫全書

集部
樂全集卷二

詳校官庶吉士臣龍廷槐

檢討臣何思鈞 覆勘

總校官中書臣朱 鈐

校對官中書臣吳 俊

謄錄監生臣周克鵬

欽定四庫全書

集部三

樂全集

別集類二 宋

提要

臣等謹案樂全集四十卷宋張方平撰方平字安道宋城人舉茂材異等為校書郎歷官參知政事卒贈司空謚文定事迹具宋史本傳其自號樂全居士因以名集蓋取莊子樂全之謂得志語詳所作樂全堂詩中其集見

欽定四庫全書

樂全集
提要

于宋史藝文志者四十卷與此本合東都事略王鞏行狀尚載有玉堂集二十卷而方平在翰林時代言之文如立太子除宗諤節度使韓琦守司徒呂公弼樞密使李昭亮殿前副都指揮使諸制見于宋文鑑者此集皆無之知當在玉堂集中而今已亡佚所存惟此集而已凡詩四卷頌一卷芻蕘論十卷禱論二卷對語策一卷論事九卷表狀三卷書一

卷牋啟一卷記序一卷襟著一卷祭文碑誌

六卷方平穎悟于書一覽不忘善為文數千

言立就才氣本什伯于人而其識又能灼見

事理剴斷明決故集中論事諸文無不豪爽

暢達洞如龜鑑不獨史所載平戎十策論新

法疏為切中利弊蘇軾作序以孔融諸葛亮

比之論者不以為私亦可信其卓然無愧立

言之選矣遺集流傳甚少此本首尾頗完善

欽定四庫全書

樂全集
提要

慎字下皆注今上御名四字蓋從孝宗時刊

本抄存者特不載蘇軾原序疑傳寫者所遺

脫今併為錄補冠于卷首以存其舊焉乾隆

四十四年九月恭校上

總纂官臣紀昀臣陸錫熊臣孫士毅

總校官 臣陸費墀

樂全集序

孔北海志大而論高功烈不見於世然英偉豪傑之

氣自為一時所宗其論盛孝章郝鴻豫書慨然有烈

丈夫之風諸葛孔明不以文章自名而開物成務之姿

綜練名實之意自見於言語至出師表簡而盡直而不

肆大哉言乎與伊訓說命相表裏非秦漢以來以事君

為悅者所能至也常恨二人之文不見其全今吾樂全

先生張公安道其庶幾乎嗚呼士不以天下之重自任

欽定四庫全書

樂全集
序

久矣言語非不工也政事文學非不敏且博也然至於

臨大事鮮不忘其故失其守者其器小也公為布衣則

頽然已有公輔之望自少出仕至老而歸未嘗以言徇

物以色假人雖對人主必同而後言毀譽不動得喪若

一真孔子所謂大臣以道事君者世遠道散雖志士仁

人或少貶以求用公獨以邁往之氣行正大之言曰用

之則行舍之則藏上不求合於人主故雖貴而不用用

而不盡下不求合於士大夫故悅公者寡不悅者眾然

至言天下偉人則必以公為首公盡性知命體乎自然而行乎不得已非靳以文字名世者也然自慶歷以來訖元豐四十餘年所與人主論天下事見於章疏者多矣或用或不用而皆本於禮義合於人情是非有考於前而成敗有驗於後及其他詩文皆清遠雄麗讀者可以想見其為人信乎其有似於孔北海諸葛孔明也軾年二十以諸生見公成都公一見待以國士今三十餘年所以開發成就之者至矣而軾終無所效尺寸於公者獨求其文集手校而家藏之且論其大畧以待後世之君子昔曾魯公嘗為軾言公在人主前論大事他人終日反覆不能盡者公必數言而決粲然成文皆可書而誦也言雖不盡用然慶歷以來名臣為人主所敬莫如公者公今年八十一杜門却掃終日危坐將與造物者游於無何有之鄉言且不可得聞而況其文乎凡為文若干卷若干首蘇軾撰

欽定四庫全書

樂全集

欽定四庫全書

樂全集卷一

宋 張方平 撰

律詩

皇帝狩于近郊 內署同進
并別狀

伏觀皇帝陛下順茲冬令狩于近郊以臨農疇以蒐軍實運用乾健烜揚天聲事已而旋禮無違者臣等叨處詞禁幸陪詔蹕謹抒歌詠粗章感節各齎沐賦成皇帝狩于近郊律詩一章謹隨狀上進以聞

欽定四庫全書

樂全集

講事時農隙存車此狩旼旼門開齊野帳殿拂霜天星斗隨華蓋風雲逐寶鞭翼開花浪急圍合錦城圓射狡無遺鏃從奔必應弦迹人輕過電騎隊速回游鷺翻紛爭擊材盧亦競先亟來餘逸足徑下不虛拳勇氣凌金鼓懽聲雜筦絃抗縷分逆順植表閱周旋湯德逾三面堯心宜兩斲頌禽均近列賜帛及高年坐幄陳慈宴停輿勞力田鳴鏡迴綵仗斜日下潑泉寧校虞旗獲聊供廟俎鮮簡稽嚴卒乘典制寓蹄筌甫草深懷古磻溪念

得賢威靈增震耀徒旅靜喧闐羽獵嘗箴漢車攻昔美
宣詞臣茲紀詠抑未愧前篇

大禮慶成并引

皇帝陛下躬祀天地嚴配祖考百禮交舉而莫有違者
萬靈來顧而罔不歆焉仍自發冊之朝以至肆赦之日
風氣時順雲物晏溫大衆之都羣方畢會喜覘容典抃
舞相慶非上聖陟降庭止其孰能至于是乎臣等獲預
近班親瞻盛事抃歎不足輒撰成五言詩十韻豈曰掄

欽定四庫全書

樂全集

揚休烈亦臣子愛戴之誠

饗帝精裡舉嚴親廣孝純禰宮增懿典皇冊薦威神寶
殿齋居肅琳房獻禮陳慨瞻清廟几穆奠繁壇茵備樂

嘉安曲鴻儀顯相臣玉從丹禁出禮神之玉路儼繡旂出自禁中

新新造玉輅今方御之瑞靄蒙天仗祥風入帝宸懽呼九州會慶

澤萬方均有幸逢華旦無謨翼至仁但祈陪百禮景扈

越千春

九日侍宴太清樓并引

今月九日蒙宣召赴後苑獲稻觀橙及太清樓射弓侍
宴者秋肅商昊日重陽瑄眷蕭辰之節物綴宸賞於園

游因宴示慈俾人同樂伏惟皇帝陛下治猷時乂聖問
日躋裁成太和丕覆羣品清籞之田是獲稼作爾甘上
林之苞素蕃天成其實駐玉輿而省斂恣荷橐以榮觀
而復頌以天官之餘輟於果丞之供並拜君賜交荷
上仁方且坐寶構之重深旅飛蕤之雜襲彫弧在設具
相圍之和容大竒連飛餘西山之勁氣賚金咸暨醉露

欽定四庫全書

樂全集

云晞泱愷樂之洪私極亨嘉之盛遇臣等幸叨景從俯
激歡衷相趨舞歎之餘綴伎游揚之末冒陳清覽增集
腆顏謹齋沐各抒成九日侍宴太清樓詩一章謹隨狀
上進

登高聞舊俗况此奉堯觴鳴蹕遙空下層樓顯氣傍御
溝新過雨苑樹未經霜楚澤丹苞重吳畦紫穗香三侯
天縱妙九節召南章中宣矜多藝威將懾四方清時人
共樂白日坐間長近從叨慈渥區區祝壽昌

上享郊廟 并引狀○慶歷四年甲申十一月二十五日壬午冬至

伏以皇帝陛下寅恭郊祀罄竭精衷乃吉日已卯齋宿
路寢翌日款謁景靈宮朝饗太廟遂有事於園丘以見
上帝瑞應昭答威禮告成聖意德音皆可書為後世法
臣執綏駮乘尤見詳悉謹用賡成享廟禋郊詩二章章
八韻誠不足闡揚丕顯休命之萬一然事皆紀實可以
備史筆之闕是亦臣子區區之誠者也

享廟

欽定四庫全書

樂全錄

四

瑞雪清晨集丹墀發策初 皇帝大慶齋宿之日先發改上五后尊謚冊寶德音

聞徹蓋 是日雪大作左右進蓋有旨不御 玉色望升車 先是禮官上儀注冊寶出殿門

上退還次有詔俟冊寶升車進發乃還次 羽衛排闥闔晴光溢紫虛 比曉升路齊月

琳宮陳玉幣 先薦享景靈宮玉用四圭有邸幣用青 疏屏宿旌旗裸獻

多儀備絃匏九變徐 有詔樂畢九奏不許減節 太官無感舉 上自齋宿不舉

掌次省先除 兩廟設小次不御立以終禮 靈鑒紛昭格天心不自

舒孝慈更答告萬福此攸儲

禋郊

回仗由黃道鳴鑾入翠宮愜思文武侑 園丘之祀太祖皇帝太宗皇帝

并升誠與地天通登陸行祠徹 慶歷元年親郊始改園丘上一成黃道用緋藉

至是有詔悉徹之仍命曲臺編入禮令永為常式 終祠坐幄空 上即壇所端立以至禮畢不還

次風雲歸絕域星斗下遙穹 是日恬無微風雲無纖雲星斗離離如下臨享壇

際柴煙白龕層燭焰紅氣祥書魯觀 至日雲物黃潤四望一色太史奏有

年之 福輟萃堯躬海上雞星動樓前馬隊雄 是日御端闡肆青畢

閱捧日奉宸等隊 僕臣殊幸會獨得近重瞳 臣忝攝太僕忝乘陪禮

升祔慶成

欽定四庫全書

樂全錄

五

明詔初發中奉慈講升祔考典下容臺集議付近署變

禮稽國章大義推經據叅覆經宰司裁定皆宸慮獻后

正壺儀仍几被遺顧擁佑隆帝室清夷贊王路懿主鍾

景命謀宮開慶祚靈長繫發祥熙洽本垂裕蓬闕邈仙

軒相城拱寒樹別饗隔昭穆時思怵霜露陽月日上辛

齋居待清曙當衙薦寶冊夾道陳鹵簿玉色儼莊栗淵

衷緬馳慕端闡出翟車黃道回天步千官陪祠庭祕祐

寧神御威德配不祧至孝始如素穹厚昭精純蕃夷入

儀注渙汗肆慶宥需雲均膏飫廣愛形海區教忠憲侯
度下臣叨載筆書法資典故

大祀禮成 皇祐五年

皇心奉先孝威德事天明嚴配講隆禮 三聖並備著為大典 精裡

格至誠衣冠先示質 臣慶歷四年攝太僕升輅執綬及此再攝太僕竊視衣冠及諸服御皆

不易舊聖心尚質貴誠之意也 金石始諧聲 郊廟始用新製鐘磬及以晉鼓鼓金奏 鬲享

初登熟鋒和用啟牲 始循古制鑄牛羊豕及用鷩刀啟牲 百神虔受職

萬物樂由庚星斗羅空碧柴煙徹紫清祥曦回羽衛佳

欽定四庫全書

樂全集

六

氣覆瑤瑩雷雨金雞動風雲鐵馬輕靈休紛報貺宸念

在持盈 臣陪輅屢被顧問聞持盈守成之言 孤陋叨華近何辭頌泰平

喜雪 慶歷二年仁宗命作

愆陽干歲事齋殿軫予憂默為斯民禱心從六事求同

雲俄蔽景盈尺忽呈休浙瀝千瓊樹崢嶸萬玉樓塵氛

開紫宙氣象露皇州鵬鶚精神勁松筠操稟優邊庭傷

文成農畝慶來甦咨爾臣鄰地常期九叙脩

送內閣蔡公歸闕

豐宮周舊宅梁國漢東關尹正司留鑰賢公出近班教

條推愛利滋蔓悉除刪狹野耕桑急終年獄市閒燕申

鈴閣靜榮養彩衣斑治迹經綸外陰功造化間士林歸

北海人望在東山一節過趨名西轅不可攀前旌霜樹

曉候騎古河灣和氣均生物淳風復海寰具瞻知可副

威德致無艱他日開鑪冶餘功為鑄顏

送吳春卿赴都

法座臨軒策俊髦同君陛見預旌招疲駑十駕始千里

欽定四庫全書

樂全集

七

孤鷄一飛先九霄蘭棹秋風行邈迤觚稜旭日勢岌峩

石渠為謝諸時彥行邁同趨便殿朝

送冀州李太傅

多君貴主子材識乃名儒青海渥注種丹山鸞鳳雛兵

家左車後書法右軍無擁帷羞紈袴懷章就隼旗亭臺

煙水閣樓堞暮雲扶 信都郭東連大澤亭樹觀游在焉 析木元分冀滹

沱漸近胡雙觥雖蘊藉 文和在澶淵故事 重閉勿須吏誰道長

城遠今觀出上都

送李芝東歸

此君齊魯之奇才三十病廢吁命哉來遊京國動悽悵
東歸泰山卧崔嵬支離攘臂福所倚功名累身古共哀
但恐人求駿馬骨未免却上黃金臺

送蘇學士錢塘監郡

趣時貴近君獨遠此情於世何所希車馬塵中久已倦
湖山勝處即為歸洞庭霜天柑橘熟松江秋水鱸魚肥
地鄰滄海莫東望且作阮公離是非

欽定四庫全書

樂全集
卷一

呈資政宋尚書

當年留鑰守陪都龍坂因茲得曳裾北海一章慙驚鳥
松江三歲厭鱸魚賈生感事多垂涕園令居閒輒著書
獨恃明公念孤介東郊未去逐長沮

送石曼卿赴闕

功名本不與人期人取功名亦繫時蜀相閒居又龍臥
馬周狂醉竟誰知將軍身到衡廬問英主心驚奏牘奇
宣室思賢方空席去陳經濟勿遲遲

重送趙叅

叅也堂堂氣拂雲十年策蹇四方塵羈窮自古有元叔
精鑿觀今少法真驥在駕羣殊有態龍初魚服未能神
君看渭曲傳巖事天困斯人必有因

送馬武

才命相憎不相並古來達者齊其中此君寂寞年雖暮
靈府崢嶸事甚雄講上鷹飢思掠草車傍驥老尚追風
丈夫掩棺始為了是故南陽晚立功

欽定四庫全書

樂全集
卷一

送張寬

得喪竟誰尸人謀不可移獨看屠釣叟達迺帝王師大
觀齊諸物雄圖彼一時君思塞上說孰可預端著

送張郎中赴闕

明公才氣本雄傑晚戴儒冠腰拖紳講劍妙傳勾踐術
工書兼得伯英筋外臺共歎郎潛又中檢行膺帝命新
司列不煩詢治狀幾州樂社有遺仁

送宋祕丞赴任鄱陽

蕭灑武夷秀茲人美且德治經通古學應務富時材盡
在脩書選行須造幣迴更研輕重術歸奏阜民財

送祝生東陽簿

之子東南美聲光滿貴游溪山聊薄宦才調自名流野
趣雖孤艇清涂即十洲金波沁園宴遲子有賢侯

送客游充海

寒飈慄冽響吹空雪意沈沈歲向窮正是兼衣御醇酎
如何孤蹇逐飛蓬杉松古色泰山廟絲竹遺音夫子宫

欽定四庫全書

樂全集

十一

訪舊自堪寬旅瑣賢侯況似蜀文翁

送楊君西安

君過嚴陵瀨扁舟入婺溪灘長秋日短山亂暮雲齊未

探驪龍領聊羈駿馬蹄吳江濤正惡鴻鴈此東西

君之昆子

莊學士赴四
明梓同行

送客入洛

高歌彈缺酒盈鍾壯士何須歎道窮客路歲闌天又雪
旗亭醉別氣如虹驥騰夷路思良御帆破長波待便風

今子方為采蘭役未宜去揖紫芝翁

送福州監郡陳殿丞

七閩一都會乃是無諸城海近氣物異山遙風候清宦
游過鄉美君祿及親榮去去倚門念溪船歸棹輕

送陳汝玉謁三川大資政左丞吳公

吳公昔作河南尹首唱儒風薦賈生今日治平承祖德
可無推引助文明

謁青州范天章

欽定四庫全書

樂全集

十一

劍橫驢膊儒裝陋戟列臺門霸府雄喜似禰衡逢北海
直須雷煥辨南豐謬悠為說非今味疎畧言詩粗古風
更似賈生多歎息聞公真賞勝吳公

送沈生昆弟隨侍之博白四絕句

炎方景象異中原海氣昏昏雜瘴煙今日荒夷成雅俗
薰風南播自媯絃

不須南浦懷消黯好過西山訪隱淪比到嶺時應近臘
相思可寄一枝春

東連海道徹扶桑北望神臯斗柄旁
兩處音塵杳難接
征鴻歲只到衡陽

夕陽疎葦暮江湄秋色蕭蕭動客思
自侍嚴君領州去
宜同騷客夢邊時

呈范天章

詔起東山對紫庭清風蕭灑動堦
藁謹言幾為忠邪發
大用須憑廟社靈武庫神兵羅斧戟
大宮禮器列蓬劍
願公早入當鈞軸重演三篇相武丁

欽定四庫全書

樂全集
卷一

三

送郭誠思歸華下

忘懷物外且如愚何事勞精據槁梧
以馬喻馬即非馬
數輿無輿方得輿莫執斧斤過櫟社
懶施几席向蘧廬
好歸玉秀峰前坐閒看晴雲自卷舒

送汾陽高士歸三峰

君深於易遇
至人逆不食

知逢三洞客曾指九丹方氣抱冰霜
冷神含日月光閒
軒同鶴靜妙境入龜長它日南峯路
相期過華陽

送邢遁山人

忽悔輕拋雲水來便將鶴去指林齋
生涯琴劍外無物
日逐醉吟中遣懷舊隱居常因夢到
塵遊動是與心乖

送君翻自嗟羈滯木葉脫時還計偕

送趙先生

家住崆峒塞垣上翩然遊蜀遂忘歸
九還氣足通神化
一日丹成是道機曾共靈龜波上隱
又隨蒼雀火中飛
只於醉裏藏身去休入紅塵作是非

送珪師歸衡嶽

欽定四庫全書

樂全集
卷一

三

師通禪律外外學二篇微師精大行
貌似寒山古身隨風葉

飛瀟湘曾曉夢鴻鴈伴南歸七十三
峯裏雲庵拂舊扉

送僧南遊雪竇

早出都門何往哉四明雪竇指崔嵬
便從古道揚眉去
莫到寶山空手回乘月曉行松露濕
迎風晚渡海濤來
普賢樓閣知非遠邈迤南遊想善財

贈韋不伐

莫隨世偽作圓方坦坦無邪是履祥
學鄙淺訛趨古道

天教軼軻與剛腸
俛投膝下人皆笑
獨臥隆中自不常
畢竟途窮無所合
何妨持釣坐滄浪

充海孫學士寄示畫錦編述先德宣公進退之美報之長句四韻奉揚盛事

鄒魯衣冠古士鄉
義方不獨有扶陽
德名垂世先君子
經術傳家小太常
閭巷共榮新畫錦
吏民同愛舊甘棠
前人彝鼎銘勲伐
未似盈編感事光

贈趙先生

欽定四庫全書

樂全集

古

此老得天樂自稱雲水人
佯狂不妨道太息漫勞神沈
醉少醒日與遊多逸民常憂
忽不見無處訪清塵

贈三茅朱先生

鬱儀結鄰太霄道
金璫玉珮虛皇冠
鑪中火候煙霞煖
壇上磬聲星斗寒
紫節晨遊從玉女
綠鞵夜降接靈官
願持璧紐充盟信
乞取胎精九化丹

玉泉觀贈高道士

古屋氣象冷蒼崖
煙翠中龍歸半天
雨虎嘯一巖風露

後芝房紫霜餘相實
紅終期把藜杖來伴白雲翁

贈郭誠思

壯志本桑弧當年亦棄繻
塵游謝京國火記得鄴都露
氣凝瓊樹冰光澈玉壺
世間出世法胎食即天厨

贈趙抱一

君隱居兩當石門後更
深入紫栢山人迹絕矣

石門路已絕塵寰紫栢高
深不可攀野客蒼茫連遠水
暮雲慘澹裏寒山
琴碁有徇皆為役松竹無情且共閒

卉醴一盃時自釀陶然亦可發朱顏

君童子時遇道士與一桃啗之遂不

欽定四庫全書

樂全集

五

食嘉祐七年余領秦邀君至七十餘矣不食已六十餘
年髮白面紅亦不甚異於常人云山中之酒釀蜜飲之
亦可醉道書謂蜜為卉醴

贈青城山威儀觀李鍊師

天倉三十六峰下
猶有軒轅轍迹存
丹竈前臨六時水
芎田遠接九仙門
九仙竇雲
洞近後觀火芝夜照千燈迴
江樹朝涵一氣渾
道友相邀尋異藥
攜筇幾到老人村

贈終南李道人

神仙靈藥自然功
五色光中一氣通
借問叅同相類法

何如相類即叅同

贈琅邪智先長老

師臘八十六

山路層層峻幽棲最上層淨光懸海月幻體任春冰四句有為法一心無盡燈我來忘所問相伴又騰騰

贈辰長老

燕坐非持律遊方不學禪長空任飛鳥古澗自寒泉見月何須指追風不待鞭平生一破衲隨處伴閒眠

贈崆峒天水公

欽定四庫全書

樂全集卷一

十六

天下赤龍訣人間金液丹先生今已得此事古傳難陰德留塵世仙階在廣寒舊聞三五一乞取畧開端

送徐總

半醉長呼意若何官情道味兩蹉跎眼前漸漸故人少世上紛紛新事多踈籟自鳴非節奏虛舟妄觸任風波
悲歌深歎流年急常憶江南藍采和

送杜山人

山人山行見虎輒同路而行又善嘯

到不說來處去安知所之野雲同自在溪鳥與誰期虎

伴閒行遠猿驚住嘯遲相逢聊一醉重見又何時

宋屯田歸湖南

舊學孫明復春秋助發微儒者孫復字明復撰春秋尊王發微君常預講論倦遊驚白首知己失緇衣故司徒陳泰公常薦君乞了朝雞去南隨

社鷺歸衡湘多隱逸道侶未應稀

筇杖贈凌生

生有官不仕無妻子

山居知獨處一杖代兒曹試水溪沙淺挑雲嶺路高訪僧歸有伴採藥遠忘勞它日蓬萊會應騎過海濤

欽定四庫全書

樂全集卷一

十七

都官葉舒郎中歸三衢

宗師橫經授小侯跡同半隱久沈浮却尋故國溪山路多謝朝堂鐘鼓樓冉冉年華成老態紛紛時事作閒愁一丘一壑平生志况有門人伴釣遊

樂全集卷一

欽定四庫全書

樂全集卷二

宋 張方平 撰

律詩

微子廟

西伯已招二大老東隣更棄三仁人元龜遂訖商家命
白馬永為周室賓抱器幸存天鳳祀喪邦都為牝鷄晨
可憐長發源流遠舊國猶存廟樹春

秦州北山云是隗囂宮登城樓下瞰偶題

欽定四庫全書

樂全集
卷二

宛下君臣實兒戲昆陽勝敗非人力劉秀其來異獨夫
隗囂何事為西伯送質已是不能強保險明知本無策
惟其得士似田橫後世英雄共嗟惜

讀杜工部詩

文物皇唐盛詩家老杜豪雅音還正始感興出離騷運
海張鵬翅追風騁鬣三春上林苑八月浙江濤璀璨
開鮫室幽深閑虎牢金鼎神鼎重玉氣霽虹高甲馬騰
千隊戈船下萬艘吳鉞鈇莫觸羿殼巧無逃遠意隨孤

鳥雄筋舉六螯曲嚴周廟肅頌美孔圖衰世亂多羣盜

天遙隔九臯途窮傷白髮行在窘青袍憂國論時事司

功去諫曹七哀同谷寓一曲錦川邀妻子飢寒累朝廷

戰伐勞倦遊徒右席樂善伐干旄舊里歸無路危城至

輒遭行吟悲楚澤遠觀念莊濠逸思乘秋水愁腸困濁

醪耒陽三尺土誰為翦蓬蒿

題楊大年集後

天上靈仙謫人間秀氣涵朱絃清廟瑟美榦豫章栴富

欽定四庫全書

樂全集
卷二

艷三千牘從容八十函朱齡石典純追古昔雅正合周南溫

粹瓊瑤潤滋醴稼穡甘微中緘海蚌巧處吐春蚕璀璨

龍宮出精深虎穴探機衡成艷晚嵩洛入煙嵐公勁正不容權

倖謝病歸陽翟因就除知汝州寂忍修禪智虛柔慕史冊驥轅曾未騁

鷹馭不停驟巖廟登何數承明入獨三可憐經濟意舊

客記高談門人黃鑑錄公餘論為談苑

讀王朴傳

世主英威動九陽高賢事業出巖廊何須夢卜疑千古

灼見雲雷定四方小國霸圖微管葛當時人傑自蕭張
不終制作成遺恨律準今猶在太常

讀素書

孺子圮橋跪履年七章德在穀城仙所言道德帝王事
不比盤盂長短篇晚欲出塵應有訣初行過漢豈非天
蕭曹勲業皆勞力寧似功成樽俎前

過豐

劉季當年在古豐芒碭王氣已連空天機先露由啼嫗

欽定四庫全書

樂全集
卷二

三

人意冥符自董公歷數有歸徒勝負風雲相會盡英雄
不然樊鄴蕭曹輩盡老屠商榷吏中

過沛題歌風臺

落托劉郎作帝歸樽前感慨大風詩淮陰反接英彭族
更欲多求猛士為

題中陽里高祖廟

縱酒踈狂不治生中陽有土倚兄耕晚遭亂世成功業
更向公前與仲爭

臨淄同劉仲方作

迴合空山萬疊蒼碯溪投釣此開疆儒家俎豆連洙泗
戰國戈鋌接楚梁四嶽子孫終海嶼諸田意氣盡尸鄉
不惟仲父能輕重形勝由來自霸強

劇孟

人物無重輕廟朝有失得世平徒匹夫時搆一敵國姦
雄望風塵冠劔動慙色治庭不論功聲名輝典策

讀齊世家

欽定四庫全書

樂全集
卷二

四

默坐碯溪素髮垂商周於此繫興衰機深正似忘機者
應被沙鷗靜處窺

讀楞伽經

楞伽三萬六千偈百八句中成自性法法非法離法塵
心心無心入心病漸熟當似菴羅菓頓照猶如大圓鏡
龜毛兔角妄有無海浪空華不清淨

讀混元經

五行生成本一氣曉此體用知命樞還元當復定金鑠

過宿寧更懷遠廬無質生質是丹地有象非象真壇圖
此途得道亦連袂遲晚須乘八景輿

寂默通真說因戒而定云是小乘漸法然至則
成大其致一也趙少師叔平覽之有疑見問
以此答

即定非存出入間照而常寂所居安將心起用知逾遠
有眼無光見亦難向上本來惟一路初機聊為立三關
莫於此地分延促彈指時中海水乾

欽定四庫全書

樂全集
卷二

五

讀坐忘論 并序

唐書潘師正傳初陶隱居傳正一之法於王遠知遠知
以傳師正師正以傳司馬子微故潘謂司馬正一至汝
四世矣陶隱居每謂門人曰吾於建元永明間仕不過
奉朝請使吾爾時官得志豈有今日事耶詳此隱居所
得深矣然為時主禮重竟不見其異迹至人守中抱一
固不為異也至子微著坐忘論五時七候簡要易行本
自正一暇日覽味因成長句

正一初傳王遠知後來體用益精微惟無矜貴為真地
但涉成虧即世機松徑風聲猶有待糠鑪火候事終違
便令直了九丹術不到坐忘何處歸

覽九丹上化經寄南都王宣徽君貺

上清紫簡世傳稀中有靈却妙旨微雲霧披光丹鳳出
風雷接勢赤龍飛琴心三疊胎仙舞簷甍雙迎帝子歸
幸得九天真一訣塵勞何事尚依依

讀穆天子傳

欽定四庫全書

樂全集
卷二

六

八龍長駕造崑丘七萃前驅縱逸遊遇雪自裁黃竹唱
捧觴喜蒼白雲謳羽陵廣奏隨風逝崦阜銘蹤共日留
惆悵壁臺人不返樂池遺恨素波愁

讀樊川集

不過元和得獻謨望山東北每長嗟獨廢唐律雅風後
更注孫篇俎豆餘雪水勝遊成悵望杜川歸事竟躊躇
中年遽使山根折盡寫雄襟在此書

讀杜詩

杜陵有窮老白頭惟苦吟正氣自天降至音感人深昭
回切雲漢曠眇包古今萬壑入溟海一枝成鄧林掩抑
鬼神泣寂寥星月沈珠憑固象得玉看晶采尋穰穰豐
年穀磊磊殊方琛病源問岐伯兵畧須淮陰流寓四方
路浩蕩平生心每覽述懷篇使我清淚淫

題英烈王廟

伍子胥祠
在楚州

固云志在修私怨破郢其如不利吳由此夫差心遂侈
鴟夷豈得謂非辜

欽定四庫全書

樂全集
卷二

七

東方朔

不獨巖扃與市塵金門亦可晦吾真孤風大義人誰見
宣室聊曾抗倖臣

天聖中年嘗有異夢熙寧癸丑退居南臺聊記

舊事

凌空素閣彩霞鮮舊侶相容見九玄上下登梯一童
子逡巡離座六靈仙踞瞻寶案凝神久手納金匙受
記專病臥夜長思此境忽驚四十有三年

侯君房

爵位功名可自豪青雲志士豈而曹嚴子陵謂光武曰
士固有志何至相
迫一朝黃鉞看看下馮勤始愧狂奴故態高

被命中山以親老不赴書懷寄集賢曾公叅政

趙公

野懷常逐白雲飛疎拙那能合世機偶似曹溪一宿覺
已多蘧瑗九年非畧呈幻事何須了惟願朝恩早放歸
它日蓮華峯下去猶期話道過黃扉

欽定四庫全書

樂全集
卷二

八

上三司蔡內閣

此日河南念賈生留將名字徹丹庭秋聲漸覺寒生樹
親老遙知獨倚扃徒繫車傍淹白晝得離鞿上必青冥
公如未信牛間氣試掘豐城必有靈

謝范天章薦應制科

明道
二年

初闢明堂見帝軒此時寧得戀丘園程文懶謁春官氏
決策思干法宸尊千古聲名傳鸚鵡表四方豪俊望龍門
若趨丹陛承清問何以酬知或敢言

次韻酬潭州周沆學士見寄

鼇背三山壓海濤雲臺高議接時髦一麾忽到江湖外
回首方驚日月高不善取容同曼倩且歌樂職學王褒
賈生自是長沙遠更弔湘纍賦廣騷

貽龔懋

所至輒驚座歸來成淡痕憐君孤劔客擲謁五侯門驕
氣羞紈袴涼風憶故園時清經世事捫蝨為誰言

寄徐白父客襄漢

欽定四庫全書
樂全集
卷二
九
避暑鹿門寺虛齋風竹涼草連邛國遠水接漢川長寓
客懷江表騷人愛楚鄉京塵誠可厭君未捨名場

寄高弁侍郎

大雅久頹弊夫君真古人道維皇極正文著帝刑淳有公
帝刑五篇美望鏘金石深誠照鬼神立朝惟一介為郡有遺
仁素尚陶弘景風流賀季真歲寒松有節明瑩玉無塵
霜簡雖清重銅符亦久迤老成急登用必有及斯民

寄汾陽郭先生

君家白雲外巖溜響嘈嘈絕壑風煙澹孤峰冰雪高自
能無世累誰見有生勞指我蓬壺路瓊宮隔海濤

寄三峰郭誠思

松檜峰前古栢林結茅無伴對幽禽鄙為浮薄八公事
獨入精微九聖心春斲晴川閒種玉夜開丹竈試還金
冷然風馭知何返三十六闕雲路深

訪朱先生值晝寢

一枕清風靖館深滿庭松檜鬱交陰此時真境誰人見
月在泥丸日在心

寄代淵

塵走我何勞巖棲君愈高林齋且吟嘯世路盡風濤小
桂閒招隱西岷續返騷氣機衝不露承弁縱雙毛

貽劉几

家自唐來世大儒惟君不肯讀家書春遊爛漫少曾醒
俊氣飄揚頻得盧早講猿公飛劔術更通風后握機圖
何時羽獵長圍合請看雲中一鷲孤

謝韓仲文學士送白竹簾

帶粉裁疎節凌霜剪翠甯
鯨鱗鋪海浪鵬翅展天風
暖恐春冰釋清宜曉兔融
露華流沆瀣寒色凜崆峒
栩栩來莊蝶翳翳失夏蟲
枕須松石碧幌鄣霧綃紅
坐覺非塵境竊如在月宮
北窻聊寄傲俗骨愧方瞳

金陵久旱喜雨呈運使韓綜學士提刑令狐挺

祠部及示諸府僚

江城風日燥將燃喜此滂沱
僅有年諸澤氣交陰壓地

欽定四庫全書

樂全集
卷二

十一

四溟水立閭闔天廓開紫宙
清涼界頓去驕陽跋扈權
須信化工人可代傳巖才業
在三篇

提刑祠部再和前篇猥為禱祈之應
輒復次韻

且以見志

長吏憂民深望歲諸侯閔雨著
編年鵝鮮聊用遵明詔
虺鼻何能感上天五事肅時斂
在宥九功美利屬持權
守藩無狀惟推分心在蒙莊
內外篇

謝浙漕劉忠順郎中送簾

玉水一方光澈靚霜華八尺翠琅玕
卧來病骨殊清快
勝餌西山五色丸

近自鍾山採松花和湯甚美按本草
經木部上品松花名松黃拂取似蒲
黃輕身療病云勝

葉節及脂松脂一名松肪淪入地
千年為茯苓又千年為琥珀又千
年為鑿一名茯苓通

神而致靈和魂而鍊鬼明竅而益
肌厚腸而

開心調榮而理衛上品仙藥也久
服延年陶

隱居云松有脂潤又凌冬不凋理
為佳物金

匱方書葛洪所撰仙經曲晨丹用
琥珀鍊合

欽定四庫全書

樂全集
卷二

十一

送湯一覽呈仲文學士

青松北山麓春藥摘金團芳澤逾
筋節滋華本歲寒功

傳上品藥餌勝曲晨丹一泛彤霞
液天和入肺肝

日精月華所滋結金匱瓊笈稱靈
珍味勝仙人掌中露

色如遊女衣上塵餌之伐邪鍊神
魄久且長年登高真

輕鑿茯苓乃淪滓嘉賞當問清遐
人